

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 3. sjednici, održanoj dana 17.11.2023. godine, d o n o s i

## **ZAKLJUČAK**

### **I.**

Prihvata se Mišljenje Ministarstva za rad, socijalnu politiku i izbjeglice o Nacrtu Zakona o dopunama Zakona o radu Federacije BiH, broj: 09-16190-2/23 od 07.11.2023. godine, koji je kantonalnim skupštinama dostavljen na mišljenje od strane Federalnog ministarstva rada i socijalne politike.

### **II.**

Zaključak Vlade Zeničko-dobojskog kantona sa Mišljenjem Ministarstva za rad, socijalnu politiku i izbjeglice iz tačke I. ovog zaključka upućuje se u dalju skupštinsku proceduru.

### **III.**

Zaključak stupa na snagu danom donošenja.

**PREMIJER**

***Nezir Pivić***

Broj: 02-\_\_\_\_\_/23

Datum, 17.11.2023. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine,

1x a/a.



**ZENIČKO-DOBOJSKI KANTON**

**VLADA**

**n/r Premijera**

godine

**n/r Sekretara**

Broj: 09-16190-2/23

Zenica, 07.11.2023.

**PREDMET: Mišljenje o Nacrtu Zakona o dopunama Zakona o radu, dostavlja se**

Federalno ministarstvo rada i socijalne politike je aktom broj: 03-02/1-3278/23 JKB od 24.10.2023. godine skupštinama kantona dostavilo tekst Nacrta Zakona o dopunama Zakona o radu (u daljem tekstu: Nacrt Zakona) radi davanja mišljenja na predloženi tekst, budući da je oblast socijalne politike u zajedničkoj nadležnosti federalne vlasti i kantona, u skladu sa članom III.2. i III.3.) Ustava Federacije Bosne i Hercegovine.

Aktom Stručne službe Skupštine Zeničko-dobojskog kantona broj: 01-02-16190-1/23 od 01.11.2023. godine, ovom ministarstvu je kao resornom dostavljen na mišljenje tekst Nacrta Zakona.

Nakon razmatranja dostavljenog teksta Nacrta Zakona ovo ministarstvo u okviru svoje nadležnosti daje sljedeće:

**MIŠLJENJE**

Uvidom u dostavljeni Nacrt Zakona, utvrđeno je da se istim dopunjuje odredba člana 166., na način da se dodaje nova odredba člana 166a. Zakona o radu Federacije BiH („Službene novine Federacije BiH“, broj: 26/16, 89/18 i 44/22) kojom se omogućava zaključivanje ugovora o obavljanju privremenih i povremenih poslova i sa studnetom odnosno sa licem upisanim na akreditovanu visokoškolsku ustanovu, koje studij pohađa redovno, vanredno, učenjem na daljinu ili kombinovanjem ova tri modela studiranja na način utvrđen statutom visokoškolske ustanove, u skladu sa propisima kojima se uređuje visoko obrazovanje u BiH odnosno Federaciji BiH.

Predložena dopuna predstavlja usklađivanje zakononskih propisa sa potrebama tržišta rada, odnosno omogućavanja uključivanja studenata u procese na tržištu rada, a istovremeno je takav angažman usklađen sa propisima koji uređuju oblast visokog obrazovanja u BiH, odnosno Federaciji BiH.

Stoga, ovo ministarstvo u cijelosti podržava donošenje predloženog Nacrta Zakona posebno imajući u vidu da se na ovaj način omogućava efikasno uključivanje studenata u procese na tržištu rada i sticanje kompetencija koje će ih učiniti konkurentnijim na tržištu rada.

S poštovanjem,

**Dostavljeno:**

1x Naslov

1x a/a

**MINISTAR**

**Antonio Šimunović**



**Bosna i Hercegovina, Zenica, Kučukovići br. 2**  
**Telefon: 032/460-680; Fax: 032/460-682; e-mail: min.rad@zdk.ba**